

DEMEA

ego vero hinc abeo, quando is quam ob rem huc veneram 435
 rus abiit : illum curo unum, ille ad me attinet :
 quando ita volt frater, de istoc ipse viderit.
 sed quis illuc est procul quem video ? estne Hegio
 85 tribuli' noster ? si sati' cerno is hēclest. vaha
 homo amicu' nobis iam inde a puero (o di boni,
 440 nē illiu' modi iam magna nobis civium
 paenuriast), homo antiqua virtute ac fide !
 haud cito mali quid ortum ex hoc sit publice.
 90 quam gaudeo ! ubi etiam huius generi' reliquias
 restare video, [v]ah vivere etiam nunc lubet. 445
 opperiar hominem hic ut salutem et conloquar.

iv HEGIO Demea Geta (PAMPHILA)

HE. Pro dī īmportales, facinus indignum, Geta !
 quid narras ! *GE.* sic est factum. *HE.* ex illan familia
 tām īliberale facinus esse ortum ! [o] Aeschine,
 pol haud paternum istuc dedisti. *DE.* videlicet 450
 5 de psaltria hac audivit : id illi nunc dolet
 alieno, pater is nihili pendit. ei mihi !
 utinam hic prope adesset alicubi atque audiret haec !
HE. nisi facient quaē illos aequomst, haud sic auferent.
GE. in te spes omnis, Hegio, nobis sitast : 455
 10 te solum habemu', tū ēs patronu', tu pater :
 ille tibi moriens nos commendavit senex :
 si deseris tu periimus. *HE.* cavē dixeris :
 neque faciam neque me sati' pie posse arbitror.